

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресь: г. Саранск, ул. Советская,
Дом печати

АПРЕЛЬТЬ

16-ЦЕ ШИСТОНЗА
1938 КИЗОНЯ
43 (559)

Лисенди ковти 12-коть.

КОМСОМОЛОНЬ ВАЙГЯЛЬ

ЛАДЯМС ВОСПИТАТЕЛЬНАЙ РАБОТАТЬ АВАНЬ ОД ЛОМАТТНЕНЬ ЙОТКСА

Партиясь и правительствась оцюмьяль шарфнихть сянди, штоба цебярфагомс воспитательнай работать авань од ломаттнень йоткса. Фкявок странаса аватненди аштяфтама привелегия, кода Советский Союзса. Минь странасонк аватне занхитть почетнай васта и сембе общественной работатнень эса примосихть активной участия.

СССР-нь Верховнай Совету избирательнай кампаниять йотафтомста советский аватне, кода и минь странаньконь сембе народонь, примасть активной участия тя важнейшай мероприятия йотафтоманцинкса.

Величайшай победатнень эзда конатнень сатозень советский народсь, пяк оцю победакс лувондови ся, што аватне минь странасонк алятнень мархта равнайста примосихть непосредственной участия Советский Союзонь сембе отаслятнень эса.

Минь счастливый странасонк авась и сембе народсь эрай радостнай панчфокс панжи эряфса, колхознай стройсь выдвинул лама тьожятть ават руководящей работас. Мордовский народть инь цебярстиренза—Мария Печказоват, Валгаеват, Чадайкинат и Мещеряковат—содасыне сембе советский народсь. Синь мордовский народсь кочказень СССР-нь Верховнай Совету депутатокс. Тя нингя весть няфнесы, што Советский Союзса оцюмьяль шарфневи воспитательнай работати аватнень и авань од ломаттнень йоткса.

Кда варжаксстама кода ащи воспитательнай работась Мордовский комсомольский организацияса авань одломаттнень, йоткса то нияхтяма аф кржа положительнай факта. 1938-це кизоня 1-це кварталста, Мордовский комсомольский организацияса комсьфкия райоттнень эзга сембоц комсомолонь ряттненди примаф 5039 ломань, конатнень йоткса 900 ломаттне од стирнят. Сяда башка эряви азомс кодама районнай организацият сяда лама шарфтсть мьяль авань одломаттнень йоткса работати. Рузаевкань районца, коса комсомолонь секретарькс работай Шебуренков ялгась 1-це кварталста комсомолонь ряттненди примасть 82 од стирнят.

Ковылкинань районца, коса комсомолонь секретарькс работай Карев ялгась, тьякажа кварталть комсомолу сембоц примасть 226 ломань, конатнень йоткса 63 од стирнят. Торбеевань комсомолонь райкомсь тьяка жа кварталть комсомолонь ряттненди примасть 63 од стирнят. Ня цифратне няфнесазь, што кой-кона райкомтне афкржамьяль шарфнихть тя работать ширес.

Сяда башка эряви азомс, што Мордовский комсомольский организацияса улихть стама райотт, конат тя работать тачимс лувондсазь аф эрявиксонди. Тя няеви тоста, што Ширингушевань комсомолонь райкомсь (сонь секретарец Кильдяковсь) эсь бездействиянц сюнеда 1-це кварталста сембоц комсомолонь ряттненди примасть аныцек 76 ломань и сятнень йотксонга од стирняда аныцек 10 ломатть. Вертелимонь ВЛКСМ-нь райкомсь и сонь секретарец Панькин ялгась васенце кварталть сембоц комсомолонь ряттненди примасть 82 ломань, а од стирняда йотксост аныцек 18 ломатть. Тяфтама афсатыкста Мордовский комсомольский организацияса лувондови аф кржа.

Тяда башка эряви азомс, што кальдявста нингя тевсь ащи авань од ломаттнень йоткса руководящей работати выдвигениять колга. ВЛКСМ-нь Саранскяень горкомса сембоц первичнай организацияда 79, а первичнай организациянь секретарьда синь йотксост лувондови аныцк 11 од стирнят, а коренной национальностьста од стирнятнень йотксост аныцек 7 ломатть. Тя нингя весть няфнесы, што комсомольский кой-кона руководительне тачимс ашезь шарьхкодь тя важнейшай работать значениянц авань одломаттнень йоткса.

Тонафнемок ВЛКСМ-нь ЦК-ть ветеце пленумонц решениянзон, комсомольский работникенди эряви нингя сяда оцюмьяль шарфтомс сянди, штоба ладямс од стирнятнень йоткса воспитательнай работать. Тарксемс синь общественной работати и передовой од стирнятнень, конат няфтезь синцень цебяр работаснон общественной тевса, примамс комсомолонь ряттненди.

ВКП(б)-нь Мордовский Обкомть Пленумоц

1938 кизонь апрельть 11-це шистонза ульсь ВКП(б)-нь Мордовский обкомть Пленумоц, партиянь райкомонь секретарьхнень участиясн мархта.

Пленумсь обсудил тяфтама кизефкт: 1. руководящей парторганоень кочкаматнень йотафтомаснон колга; 2. РСФСР-нь и МАССР-нь Верховнай Советтнень кочкамаснонды анокламаса партийнай организациятнень задачаснон колга.

Васенце кизефктсь коряс руководящей парторганоень кочкаматнень йотафтомаснон колга Пле-

нумсь кулхондозе ВКП(б)-нь обкомть ОРПО-ни заведующаени Кочнев ялгать докладонц.

Шинь повесткать омбоце кизефксон коряс Пленумсь кулхондозе ВКП(б)-нь Мордовский обкомть васенце секретаренц обязанностензон исполняющейснон Кузнецов ялгать докладонц.

Пленумсь тьяфта жа арьсесь областной партконференциянь сергядеманди пингя и разрешиндась организационнай кизефкт.

Ня кизефксеннь коряс Пленумсь примасть соответствующай решеният.



Саранск ошень 12-це № школань ученикне весяласта йотафнесазь свободнай пингснон.
Снимкаса: Володя Кудрявцевсь, Коля Морозовсь и Толя Володинць морайхть патефонца.

Фотось В. Алатановть.

ССР-нь СОЮЗОНЬ НАРОДНАЙ КОМИССАРОНЬ СОВЕТСА И ВКП(б)-нь ЦЕНТРАЛЬНАЙ КОМИТЕТСА

ССР-нь Союзонь высшай учебнай заведениятнень эзга, самостоятельной занятиянь шитнень колга, успеваемостень оценокать и физический культурань преподаваниять колга.

ССР-нь Союзонь Народнай Комиссаронь Советсь и ВКП(б)-нь Центральной Комитетсь полафтозь, кода мероприятия, конац ашезе оправданда эсь прянц, Вуснень эзга, башка шитнень, конат явовшневств, кода мярьгондихть, студенттнень самостоятельной занятиянь яснонды учебнай шитнень крьфтамаснон четса.

СССР-нь Совнаркомсь и ВКП(б)-нь ЦК-сь ладязь, што сембе шитне, выходнойда башка, студенттнень учебнай занятиясна должетт регулироваться соответствующай учебнай расписанияса. Сай учебнай кизоть сембе высшай учебнай заведениятнень эзга кармайтть улема студенттнень успеваемостьснон

оценката ниле степетть (отметкат): „аф удовлетворительна“, „посредственная“, „хорошо“ и „отлично“.

СССР-нь Совнаркомсь и ВКП(б)-нь ЦК-сь мярьгсть аф тиендемс Вуснень эзга физический культурань преподавания учебнай шить кучкастонза. Физический культурань преподаваниясь эряви йотафнемс общежитиява шовдавань обязательнай зарядкада башка, занятиянь мекольдоць часттнень пингста учебнай расписаниянь порядкаса, студенттнень тонафнемаса васенце кафта курснень эса.

Од учебнай кизоть ули крьфтаф физический культурань преподаванияса учебнай часттнень количестваснон.

Аноклайхть испытаниятнненди

Зубунь районца, Уметский НСШ-са Люкшанова, Шалаева, Кудашов ученикне саясть обязательстват—переводнай испытаниятнень максомс отличнай и цебяр

отметкаса. Ня ученикне испытаниятнненди аноклайхть упорнайста. Синь эсь йотксост кемокстасть соцдоговорхт.

И. Паршин.

Карпухин В., Афанасенко Н., Афанасенко А., Абраменко Ж. ялгатненъ съормасна ВЛКСМ-нь ЦК-в

Косарев ялгасъ, минъ тонафне-
тма Жалобинский районъ Пе-
ревицкий средняй школаса и ули-
мяленьке сувамс Ленинский Ком-
мунистический Одломанень Союзъ
рядонзонды. Но сянкса, штоба су-
вамс комсомолъ рядонзонды минъ
йотафтоме лама пинге, а эсь це-
леньке аф сатневи. Вов ни кафта
кофт пале мархта, кода минъ мак-
сомя заявленият комсомольский
забавский организацияв, конач

ащи ЛКСМБ-нь Буда-Кошелевский
РК-ть видеса.

Наконец февраль 25-це ши-
стонза 1938 г. минъ тердемазъ
комсомольский закрытай пуромкс.
Комсомольский забавский органи-
зациянь комсоргъ Гавриленко
тейнек мярькс: „ЛКСМБ-нь Буда-
Кошелевский РК-ть секретарь
Тур ялгасъ тейне мярьксъ комсо-
молу тинъ аф примамс. Перевиц-
кий школаса ули комсомольский

организация, значит тоса и сувада
комсомолу“.

Минъ лувондсасъ, што Туръ
предложения аф виде. Минъ эря-
тама Буда-Кошелевский районъ
Забавский вельсоветонъ Хмельной
велеса, „Большевик“ колхозса, и
ули мяленьке организовандам
комсомольский организация „Боль-
шевик“ колхозса. Минъ лама од-
ломаньдонок, конатненди аш коса
йотафнемс работать эзда свобод-

най пингсна. Эняльттма азондомс
тейнек правильнайста ли тийсь
ЛКСМБ-нь Буда-Кошелевский
РК-нь секретарь Тур ялгасъ?

Минъ адресоньке: Буда-Кошелев-
ский район, Забавский вельсовет,
„Большевик“ колхозъ, Карпухин
Василий Федоровичи.

Эняльдихне: Карпухин Ва-
сий, Афанасенко Николай,
Афанасенко Алексей, Абра-
менко Жорж.

ВЛКСМ-нь ЦК-ть ответоц Карпухин В., Афанасенко Н., Афанасенко А., Абраменко Ж. ялгатненди

Уважаемый ялгат!

Тинъ жалобатада ВЛКСМ-нь Цен-
тральной Комитетти Белорусский
ССР-нь Буда-Кошелевский райо-
нонь комсомольский организа-
циянь калдяв руководителхненъ
лангс. Тинъ кизефнетяда: правиль-
найста ли тийсь ЛКСМБ-нь район-
най комитетонъ секретарь Тур
ялгасъ, конач ашезь лезда Теентъ
организовандам комсомольский
организация Тинъ колхозсонъ?

Ответ может улемс анычек фкя:
комитетонъ секретарь Тур ялгасъ
тийсь йофси аф правильна.

Комсомолъ создали Ленин и
Сталин, большевиконъ партиясь, и
ащи сон теенза лездыкс комму-
низмъ тевтъ инкса сембе тюре-
мать эса. ВЛКСМ-сь пуропни эсь
рядонзонды советский передовой
одломаттненъ. Теенза сувихтъ ся
одломаттне, кие анок бесстрашна
тюремс родинать врагонзон кар-
шес, кие беззаветна преданнай
большевистский партияти и совет-
ский властти. Шоворемс совет-
ский одломанень тя передовой от-
рядти—минъ странаньконъ лама и
лама юношанзон и стирнянзон же-
ланиясна.

Советский Союзъ любой уже-
нясонза улихъ лама обществен-
най сембодонга разнообразнай ор-
ганизацият, коза келиста панчф
одломаттненди сувамасть. Тяфтама
организациякс ащихъ: Осоавиа-
химсь, МОПР-сь, РОКК-сь и лият-
не. Одломаттненъ улихъ возмож-
ностьсна занимаданхнемс поли-
тический, военно-спортивный, науч-
най, драматический и лия кружо-
кова. Ня организациятненъ и кру-
жокненъ эса синъ шоворькшихтъ
общественнай деятельности, по-
лучахъ тинъ знания и культур-
найста йотафнесазъ эсь досугсон.

Мезенкса жа од ломаттненъ
мялсна сувамс Ленинский Комму-
нистический Одломанень Союзи?

Ленинский комсомолъ эса од
ломаттне справедливайста нйсазь
политический эсь вятисон, конач
большевистский партияти, сонъ
Сталинский Центральной Комите-
тонъ руководстванъ ала воспитан-
дакшни синъ эздост большевикъ,
коммунизмъ активнай строи-
тельхъ. Од рабочайть, колхоз-
никъ, тонафнить, служащайть ули
мялец сувамс комсомолу, сяс мес
коллективса, конач пуромф и
сплоченнай добровольнай и соз-
нательнай дисциплина вельде,
коса кажнайсь мушенды ялганъ
поддержка и лезкс, сон может
сяда цебарьста лездомс больше-
вистский партияти и советский
властти строямс коммунистиче-
ский общества.

Сталин ялгасъ колхозниконъ уда-
рниконъ Всесоюзной 1-це с'ездса
корхтасъ:

„Од ломаттне—минъ будущно-
стенъке, минъ надияманьке, ялгат.
Одломаттне должетт полафтомс
минъ, атытненъ. Сон должен кан-
домс минъ знамяньконъ победати
молемс... Сон свободнай сире стал-
моть эзда и сон сембодонга тьож-
дята тонаткшнесыне ленинский
заветтненъ. И именна сяс, што
одломаттне сембодонга тьождята
тонаткшнесазъ ленинский заветт-
ненъ, именна сяс сон тертьф вя-
темс инголи отстающайхненъ и
колеблющайхненъ. Виде, сонъ аф
сатнихъ знаниянза. Но знаниясь—
тевьс наживной. Тячи синъ ашет,
ванды синъ улихъ. Сяс задачасъ
ащи сянь эса, штоба тонаф-
немс и танга тонафнемс ленинизмъ.
Комсомолъ и комсомолка
ялгат! Тонафнеда большевизмъ
и вятета инголи колеблющайхненъ!
Болтандада сяда кржа, работада
сяда пяхоня—и тевонте тинъ лиси-
наверняка“.

Ся, кие сувси Ленинский комсо-
молъ рядонзонды, сявонди эсь
лангонзонза обязанность: тонафнемс
ленинизмъ, максемс сембе эсь
работанц, сембе эсь виензон марс
тонъ тевти, лездомс отстающайх-
ненди, арамс минъ родинанъ пере-
довой ломанькс.

Вийс коря ли ня обязанностьне
эрь од ломанти? Да, вполне вийс
коря, тяфтама условияс, кда сон
арьсесъ максомс эсь эряфонъ Ле-
нинонъ—Сталинонь партияти тевон-
цы, кда сонъ валог аф аерткшни
тевь эзда. Ленинский комсомолъ
аф пирьсесы прянц одломаттненъ
эзда, а меклант—синъ мархтост
эрь шинъ сотксть эса, передовой
одломаттненъ эзда апак лотксек
эсь рядонзон пополнениянц эса
ня эсь виенц. Одломанень кели
сложнень мархта эрь шинъ сот-
ксфтома, аш кода пяхкодемс
одломанень коммунистический во-
спитаниянъ задачатненъ. Сяс ком-
сомолъ нетерпимайста относится
ся работниконзонды, конат аф
кулхонкшихтъ одломаттненъ
вайгялезост.

Эряви азомс, што тяфтама руко-
водителеньке минъ нингя улихъ.
Комсомолу примамать пингста синъ
одломаттненди тиендихъ полити-
ческий строгай экзамент, аф кир-
демшка кувалгафнесазъ заявлени-
ятненъ ваномаснон, одломаттненъ
мархта беседатненъ лувондсазъ
юмаф пингокс, кда синъ теест обра-
щандакшихтъ. Ня чиновникне,
вольна или аф вольна, аерфнесазъ
одломаттненъ комсомолъ эзда.

Кода няеви Тинъ съормантень
эзда, ЛКСМБ-нь Буда-Кошелевский
райкомонъ секретарь Тур ялгасъ
отнесся тинъ заявлениятненди аф
правильна, бездушна. Кафта кофт
пале мархтода ламос Тинъ заявле-
ниянте лежандасть комсомольский
забавский организациянь комсоргъ

кядьса. Тяда меле тинъ тердедязъ
комсомольский закрытай пуромкс,
но и тасовок комсомолу примамать
колга заявлениятненъ ашезь
ван. Сянь вастс, штоба машфтомс
тя волокитать, райкомонъ секре-
тарь мярькс кучемда заявленият-
ненъ комсомольский лия органи-
зацияс.

Лисенди, што РК-нь секретарь
аф анычек ашезь лезда Теентъ
йотафтомс эряфс тинъ стремлени-
ятненъ сувамс комсомолъ рядон-
зонды, но шорясь танди.

Одломаттненди тяфтама отноше-
ниясь—Ленинский комсомолти чуж-
дай.

Кода ба эряволь тиес Тур ял-
гати?

Теенза эряволь ба корхтамс Тинъ
мархтонъ, тяда меле „Большевик“
колхозу кучемс райкомонъ предста-
витель, мярьгомс теенза знакомон-
дамс тоса одломаттненъ мархта,
канат йорайхтъ сувамс комсомолу
и максомс теест эрявикс лезкс,
штоба организовандам комсомоль-
ский од первичнай организация.

Аф кунара ульсь ВЛКСМ-нь
ЦК-ть V-це пленумоц, конач вешсь
сембе преградатненъ машфтомас-
нон, конат шорсихъ одломаттненди
комсомолу сувамати. Пленумсь
решил:

„4. Отменить существующай по-
рядкаты, конанц коряс колхозонъ,
предприятиянь и учреждениянь
одломаттненъ з а я в л е н и я с н а
ВЛКСМ-в примамать колга, коса
аш первичнай организацият, ванон-
довихтъ комсомолонъ первичнай
кодамовок маластонъ организа-
цияс.“

Установить, што комсомолу при-
мамать колга одломаттненъ заяв-
лениясна, коса аш первичнай ор-

ганизацият, ванондовихтъ непо-
средственна ВЛКСМ-нь райкомса
или горкомса (коса аш комсомо-
лонъ райкомт)“.

Конешна, тинъ пингста ванон-
дови индивидуальной примаманъ
большевистский испытаннай прин-
ципсь.

Комсомолъ ули интересоц сянь
эса, штоба сембе колхозга улельхъ
пуроптфт комсомольский органи-
зацият. Эрь колхозса тяфтама ор-
ганизациянь пуроптомасъ марс
пуроптсыне одломаттненъ, лезды
теест сяда цебарьста примосемс
участия колхозъ работасонза, ся-
да цебарьста организовандам эсь
тонафнемаснон и досугснон. Тинъ
мяленте, штоба улель комсомоль-
ский организация эсь колхозсонъ,
аш меств корхтамска пях закон-
най.

Ваномок тинъ съормантень ко-
ряс, Тинъ, аф улемок комсомоле-
цокс, сяда шарьхкодесть ком-
сомолъ задачанзон райкомонъ
секретарь коряс.

ВЛКСМ-нь Центральной Коми-
тетсь благодарнай Теентъ сянкса,
што Тинъ критиковандада ком-
сомолонъ работникненъ афсатыкс-
снон и настойчивайста вештыда
сянь, штоба петемс ня афсатык-
сненъ. Одломаттне конашкава ся-
да смелста кармайтъ комсомоль-
ский организациятненъ и синъ
работникснон эльбятксснон крити-
ковандама, сяшкава улихъ бое-
способнайхтъ комсомолъ рядонза,
сяшкава цебарьста минъ карма-
тама пяхкотькшнema задачатненъ,
конатненъ путнесыне минъ инго-
ленк большевистский партиясь,
минъ учителеньке Сталин ялгасъ.

ВЛКСМ-нь Центральной
Комитетсь.

РАБОТАСЪ ЛАДЯФ

Вертелим велень комсомоль-
ский организациясь, тонафнемок
ВЛКСМ-ни ЦК-ть V-це Пленумоц,
намели эсь работаснон цебарь-
гафтоманцы конкретнай мероприя-
тият. Оцю мяль организациясь
ушодсь шарфнема афсоюзнай од-
ломаттненъ йоткса работать цебарь-
гафтоманцы и комсомольский про-
свещения ладяманцы.

Тяни регулярнайста ушедсь ра-
ботама ВКП(б)-нь историянь то-
нафнеманъ кружокъ и начальнай
комсомольский школасъ. Нача-
льнай школати таргафт лама аф-
союзнай одломатть. Тяда башка
одломаттне таргафт общественно-
добровольнай организациятненди
работасъ.

Тя работасъ максъ оцю лезкс
афсоюзнай одломаттненди анон-
ламс пряснон комсомолу. Комсо-
мольский организацияс тяни лу-
вондови 45 комсомолецъ.

Вертелимонъ р-н.

Трясучкин.

Пример лия колхозницатненди

М. Пашад велень „Валда-Ян“
колхозонъ колхозницасъ Ларина ял-
гасъ эсь работасонза няфни при-
мер лия колхозницатненди.
Работамок коноплеводческий зве-
наса звеноводкакс, Ларинась сатсь
пях оцю результатт. Лац организо-
вандазе эсь звенасонза работать и
саясь оцю урожай.

Цебарь работанкса Ларинась
ульсь аф веств премировандаф
колхозъ ширде питни подаркаса.
Сон эрь шиня работакшнесъ 2—3
трудошит. Кизонъ работатненъ
пингста сон тийсь 335 трудошит.
Трудошинзон инкса получаь 84
пудт сора.

Сон корхтай, што тя кхись
тейне съкамон аф йотафтови кол-
ма кизостонга.

Ларинась—пример эсь работасон-
за сембе колхозникненди.

Кирдяшкин.

Пурдошанский р-н.

Комсомольский эряфсь

ПИОНЕРВОЖАТАЕНЬ СЕМИНАРСТА

Апрельть 6-це шистонза Саранск ошень 12-це № школаса ульсь йотафтф ошень пионервожатайхнень мархта семинар, коса ульсь 40 ломатть. Семинарса ульсь обсужденаяхть кизефксне школьной испытаниятнень колга, кизонь каникулатнень, пионерский лагерьхнень эса оздоровительнай кампаният колга, Майть 1-це шинцты анокламаты колга.

Доклад семинарса тиезе ВЛКСМ-нь горкомть пионеронь отделть заведующаец Мещеряков ялгась.

Семинарсь отметил, што школатнень эзга уставакшии сембодонга серьезнай пингсь. Комсомольский организациятнень задачасна ащи сян эса, штоба максомс школатненьди практический лезкс, штоба честь мархта аделама тонфнема кизоть. Комсомолонь учебнай заведениянь комитеттненьди эряви содамс эрь выпускниксь кода комсомолецт, станяжа и афсоюзнай одломантть; эряви теест максомс ялгань лезкс, заботендамс синь колгаст, лездомс теест кочкамс стама высшай учебнай заведения, конац сонь мялезонза туй. Тянь инкса эрявихть тиендемс школьной вечерхт, коза тернемс инженерхт, врачт, педагокт, агротехникт, РККА-нь командирхт и стак тов, конат лездолхть теест кочкамс профессия.

Сят тонафнихненьди, конат илядыхть школав, эряви максомс лезкс, штоба синь старшай курсненьди йотальхть цебарь, отличнай отметка мархта. Комсомольский организациятненьди аф эряви тонафнихненьди максомс общественной лама работат, аф эрявихть занцемс синь аф эрявикс заседанияса, пуромксса. А тяфтама фактт улихть. Например, 12-це № школань комсомольский организациянь секретарьсь Алатов ялгась тарксесыне комсомольский пуромкснень 12 частт ветти модемс, тутни пуромксса лама кизефкст и аф лувондсыне нят кизефкснень важностьснень. Тя пяхшорси тонафнихненьди, штоба аноклакшемс синь уроксна омбоце шинди. И пях виде ся, што 12-це № школань тонафнихнень родительсна вешихть горкомть ширде, штоба тонафнема кизоть пестонза комсомольский организациясь афольхть тиенде сидеста кувака пуромкст.

Пях важнай оздоровительнай кампаниянь кизефкссь. Тя кизоть пио-

нерский массовой лагерьт эзга ули нолдаф 600 школьникт. Пионерский лагерьсь должен йотафтомс эсь работани июнтть 1-це шистонза сямомок сентябрьт 1-це шинцты модемс, колма сменаса.

Комсомольский организациятненьди эряви кярмодемс тя работати. Маркса пионервожатайхнень мархта кочкамс школьникт-отличникт, конатнень ули нуждасна ваймамс синь шумбрашиснон инкса.

Аф эрявихть юкснемс ошу иляды иттенгя, эряви синь йоткост вятемс культурно-массовой работа. Эряви арьсемс, што пионервожатайти, месть сон кармай работата иттенгя мархта кизонь каникулатнень пингста. Сидеста уленид тяфта, што пионервожатайхне кизонь каникулатнень пингста, ВЛКСМ-нь горкомть апак содак, тушендыхть киеков повсь, кадондсазь пионерхнень руководстватом, а работай пионервожатайхнень комсомолонь комитеттне аф кулхонкшнесазь отчетснон синь работаснон колга.

Минь великай родинаньконь трудящанза курок кармайхть праздновама международнай праздникть—Майть 1-це шинц. Комсомольский организациятненьди эряви кярмодемс кемоста тевти, штоба лацкас анокламс праздники и цебарьнаста сон йотафтомс. Эряви лездомс пионерорганизациятненьди келептемс синь художественнай самодеятельностьснень. Например, тонафнемс морхт, танецт, налхксемат и стак тов.

ВЛКСМ-нь горкомть пионеронь отделоц майть 2-це шистонза культурань и отдыхонь паркса иттенгя мархта йотафты гулянья, коса ули организовандаф идень утренник, физкультурнай выступленийт, декламацият и стак тов. Тя утренникти пионерорганизациятненьди эряви анокламс, штоба тоса няфтемс эсь способностьснень.

Комсомолонь горкомсь тонафнема кизоть пестонза пионервожатайхнень йоткса йотафты семинар, коса пионервожатайхне полафтыхть работань опытснон мархта. Тяса ули кулхондф ВЛКСМ-нь горкомть докладоц иттенгя йоткса работат колга. Пионервожатайхненьди тя семинарти эряви анокламс практический предложеният идень коммунистический воспитаният колга,

Щеглов.

Воспитательнай работат эзда ащихть ширеса

Воспитательнай работась—комсомольцэ васенце задачац, сяс комсомолецне должетт вятемс оцю воспитательнай работа кода комсомолецнень, а станяжа афсоюзнай одломаттнень йоткса. Эряви азомс, што тя важнейшай и ответственной задачат лангс лама райкомт и первичнай комсомольский организацият шарфнихть кржа мяльда.

Вов ВЛКСМ-нь Ковылкинский райкомсь, конац эсь работасонза аф лувондсы эрявиксонди воспитательнай работат.

Вов ВЛКСМ-нь Ковылкинань райкомть шалхконц ала радиоузелонь комсомольский организациясь, коса комсомольский пуромкст эряйхть шуроста, политзанятият йофси аф йотафневихть. Комсомолецне мезсовок аф отличандайхть афсоюзнай одломаттнень эзда, а меклангт, эсь пряснон вятсазь пях калдыявста, коймзярда пачкотькшнихть мяк хулиганствати.

Хулиганстваса активнай участия примосихть Шишенин, Харитонов комсомолецне.

Кизефневи, мес тяфта лисенди? Эряви видеста азомс, што воспитательнай работась юкстаф. Авль тя организацияса улихть сембе возможностьтне, штоба цебарьста ладямс тя ответственной работат.

Сяфтыма нингя пример, штоба азомс комсомольский организациятнень работаснон одломаттнень воспитанияса.

Вов Самодуровка велесь, коса ули колхознай первичнай комсомольский организация. Тя организацияса комсоргокс работай Поляков, сон жа школань заведующшай, конац политико-воспитательнай работат вастс, азонды анычек шава валхт. Кода комсомолецнень а станяжа афсоюзнай одломаттнень йоткса кодамовок работат аф вяти. Добровольнай кружокне, лекциятне, беседатне ащихть очагокс культурнай работат цебарьгафтоманцты, а школаса ульсь организовандафт физкультурнай, хоровой кружокт, конат тани аф работайхть.

Сатыхть нят примерхне, штоба азомс ВЛКСМ-нь Ковылкинский райкомть воспитательнай работаса калдыяв руководствани.

Тянди эряви путомс пе, ВЛКСМ-нь райкомть политучебань отделонц заведующаецт Костин ялгати эряви ладямс политико-воспитательнай работат и политкружокнень работаснон сян инкса, штоба комсомолецне улельхть политически грамотнайхть и идеологически выдерженнайхть.

Сысоев.
Кудашов.

Агитаторонь совещанияста

Аф кунара ВЛКСМ-нь Атюрьевск аф райкомсь йотафтсь агитаторхнень мархта совещания. Совещаниясь няфтезе, што койкона велеса комсомольский организациятне и агитаторхне агитационнай работат кадозь эсьотям молемати. Видекс, Пичпулня велеста агитаторсь Кириловсь и НовоЧадаева велеста агитаторсь Маришкина ялгатне эсь выступленияс корхтась, што синь велесост избирательхнень йоткса аф калдыявста ладаф работась. Но кизефкснень вельде лифтьф, што ня велеса избирательхнень йоткса работась ащи аф йофси станя, кода корхтась Кирилов и Маришкина ялгатне. Агитаторсь Маришкина ялгась нльня аф содасыне эсь уча-

стасонза избирательхнень, сон синь йоткост фкявок беседа ащезь йотафта. Пичпулня велеса избирательхнень йоткса занятиятне йотафневихть случайста случайс.

Совещаниясь станя жа лифтезе лангти и ВЛКСМ-нь райкомть калдыяв работани. Райкомсь калдыявста лездсь агитаторхненьди работаснон ладямаснонды.

Сяда товодонь практический работати совещаниясь примась решения вишконтём РСФСР-нь и МАССР-нь Верховнай Советтненьди избирательхнень йоткса Положеният тонафнеманц и ладямс тундань видемать йотафтоманц пингста агитационно-пропагандистский работат.

Дм Родин

Политучебась ладяф цебарьста

Рыбкинань района, Зайца велень комсомольский организацияса лувондови 16 ломатть. Тонафнемок ВЛКСМ-нь ЦК-ть V-це пленумонц решениязон, комсомольский организациясь эсь работанц тиезе ВЛКСМ-нь ЦК-ть V-це пленумонц решениязон коряс. Организациясь цебарьста ладязе комсомольский просвещениянь кружокт работанц. Сембоц кружокса лувондови 29 слушательхть, конатнень йоткста 13 ломанц афсоюзнай одломатть. Политкружокса занятияда

башка комсомолецне оцю работа йотафнихть афсоюзнай одломаттнень йоткса изба-читальняса, бригадатнень эзга. Синь йоткост комсомолецне тонафнесазь РСФСР-нь и МАССР-нь Верховнай Советтненьди кочкаматнень колга Положениятнень.

Тя цебарь работат эзда комсомольский организациясь шидашис касы колхознай передовой одломаттнень лувкснон эзда.

Петряков. И.

Комсомольский организациясь касы

Рыбкинань района. Сейтяновка велень комсомольский организациясь цебарьста ладязе одломаттнень йоткса культмассовой работат. Афсоюзнай одломаттнень йоткса комсомольский организациясь цебарьста ладязе ВЛКСМ-нь программат и уставт тонафне-

маснон. Одломаттнень йоткса ламоц якайхть комсомольский политтонафнемань кружокти.

Комсомольский организациясь шидашис касы афсоюзнай одломаттнень лувкснон эзда.

Муштаев В.



Идень центральной технической станциянь (Саранск) юнай натуралистонь кружокса тонафни 30 итт.

СНИМКАСА: (кержи ширеста види шири) Коля Антоновсь, Володя Перунковсь и Толя Медиковсь ваныхть аквариумть мельга.

Фотось П. Ивановть.

Ладямс политико-воспитательнай работат од ломаттнень йоткса

Советский передовой одломаттнень ули оцю стремлениясна сувамс ВЛКСМ-нь ряттненьди. Но ВЛКСМ-нь лама руководящей работник аф кирдемшка калдявста работайхть одломаттнень йоткса.

ВЛКСМ-нь Zubovo-Polyanskiy райкомсь тячимс эсь работанц ашезе тие ВЛКСМ-нь ЦК-ть V-це пленумонц решениянзон коряс. Райкомсь ингольцексс коря работанц йотафнесы кабинетса. Комсомольский организациатненьди кодамовок практический лезкс ашезе макссе.

Тя калдяв работать результатонза няфтезь, што первичнай лама организациява комсомольский организациатне передовой одломаттнень лувксста касыхть калдявста.

Анаю велень комсомольский организациясь 1938 кизоня афсоюзнай одломаттнень эзда комсомолу фкявок ломань ашезе прима. Комсоргсь Глухов ялгась, сянь вастс, штоба ладямс работать одломаттнень йоткса, сон распустил комсомольский организациатне работанц.

Комсомолещнень йоткса политонафнемась кунаракигя ни лоткась. Од Потьмань комсомольский организацияса лувондови сембоц 11 комсомолец. Арселеть, што тя организациясь эсь лувксонц коряс аф йомла и мог ба одломаттнень йоткса работать ладямс аф калдявста. Но аф тяфта ащи тевсь. Комсомольский организациясь аердсь афсоюзнай одломаттнень эзда, сон аф лувондсы эрявиксонди синь йотксост работать ладяманц. Колхознай одломаттнень йоткса улихть аф калдяв производственник. Няч одломаттнень ули оцю мялсна сувамс комсомолу,

но комсомольский организациясь синь йотксост кодамовок работа аф йотафни. Каргаша велень комсомольский организациясь 1938 кизоня колхознай одломаттнень йоткса фкявок ломань комсомолу ашезе прима. Комсомольский организациясь одломаттнень йоткса работать ладяманц арьсесы тячи да ванды. Но няйсак аф муй пинге, штоба тяфтама бездушияхть лангс путомс пе и ушedomс одломаттнень йоткса работать.

Тя корхтай сянь колга, што комсомолонь райкомсь ВЛКСМ-нь ЦК-ть V-це пленумонц решениянзон эряфс аф йотафнесыне. А эряви азомс, што райкомонь секретарьсь Пряхин ялгась комсоркнень совещанияса макссесь обязательстват, што райкомсь эсь работанц ладясы ВЛКСМ-нь ЦК-ть V-це пленумонц решениянзон коряс, што райкомсь ушеды первичнай организациатненьди лездом, што райкомсь нолдаф эсь эльбиятксонзон петьсыне. Но няч вдь аныцек обещаият, конатнень мархта Зубунь райкомсь успокаивается. Кинди тяфтама седишь пети обещаиятне эрявсть? Киндингя синь аф эрявихть. Тяфтама обещаиятне, конат иляткшихть шава валкс, синь вреднайхть комсомолть йоткса работать ладяманцы, синь вреднайхть одломаттнень йоткса политико-воспитательнай работат ладяманцы.

Эряви сяда кржа трескатня и пустопорожний обещаиятнень иботяфтама работань методть эзда польза аф получают. Кулхонкшнемс одломаттнень запроссонды, ладямс синь йотксост политико-воспитательнай работат, —тя основной работа комсомолть.

И. Паршин, М. Горячкин, К.,

ПРИМЕРНАЙ УЧЕНИК

Вертелимонь НСШ-са Александрин Ваясь, Аймайкина П. ученикне отличнайста тонафнемаснон мархта няфнихть пример сембе ученикненьди. Синь тонафнихть аныцек отличнайста.

Тяда башка синь сявсть обязательстват—испытаниятнень максс аныцек отличнайста.

Бекшаев.

Васьфтьсаськ испытаниятнень отличнай отметкаса

Отличникт

Чамзинский средняя школоса Маркелов Н., Авданкин Т., Есин Ф. ученикне нингя васень учебнай кизоста максты обязательстват тонафнемс сембе дисциплинатнень эса аныцек отличнайста. Синь эсь обязательстваснон пашкодезь оцю сатфкс мархта. Васень 3 четвертьтнень пингста синь тонафнест аныцек отличнайста.

Испытаниятнень васьфтемаснонды синь аноклайхть упорнайста. Дирекцияти макссты обязательства переводнай испытаниятнень максс отличнайста.

С.

Синь обязательствасна

Теризморгань НСШ-са лама ученик сявондсты обязательстват сянь инкса, штоба тонафнемс аныцек отличнайста.

Социалистический соревнованиясь ученикненьди макссь оцю лезкс. Живайкин, Кадеров, Тарадаев, Ямашкин, Шестаков ученикне колмоце полугодияста тонафнест аныцек отлична и хорошо. Тяда башка Макаровсь кудса моравтсь художественнай лама литература. Синь макссты обязательства переводнай испытаниятнень пингста сатомс аныцек отличнай отметка.

Бикеев.

Волгапов.

Шайговань район.

Мон отличникан

Мон тонафнян Кулдымонь НСШ-са 6-це класса. Нинге васень учебнай кизоть мон сявонь обязательства тонафнемс аныцек отличнайста. Тя обязательствазень пашкодине оцю сатфксса. Сембе дисциплинатнень эса тонафнян аныцек отличнайста.

Переводнай испытаниятнень васьфтьсайне отличнай отметка мархта.

А. Макеев.

Вертелимонь район.

Китайса военнай действиятне

Ханькоу, апрельть 14-це шистонза. Севернай Китайса китайский войска тне мольфтихть наступления Исянь ошть перфкя (Шаньдун провинция южной палкссонза), наступандамок ошть лангс колма ширге. Исянь ошса ащихть кемонь тьожяньшка японецт, конат тиендихть сопротивления, надиямок подкрепления самат лангс.

Японский кемонь дивизиянь командующайсь генерал-лейтенантсь—Исогаи шавф Шаньдун провинцияса южной частьса бойхнень пингста.

Шаньдун провинциять севернай палкссонза китайский партизатне сявонь Юйчен (Цзинанить северо-западной ширесонза).

Японечненьди оцю подкрепления самда меле удалась теснандамс китайский войска тнень Цзинанить окрестностьонза (Шаньдун провинциять столица). Цзинаниса японечне йотафнихть массовой арестт. Арестовандафт ни нилесядода лама ломань, конатнень судьбаснон колга мезевок аф марьсеви.

Март ковть комсь кафтува шинзон пингста Шаньси провинцияса шавф аф киветие тьожяньда кржа японецт. Китайский войска тне фатясть 2300 винтовкат, сисемлевой орудият, вете ваготт амуниция, колмагемонь грузовикт, ветесятт алаша и лама патротт.

Центральной Китайса Шанхай районца эрь шиня касы китайский партизаттнень активностьсна. Партизаттне сяда малав и малав шаштыхть ошу, кружамок сонь сембе ширде.

Апрельть 11-це шистонза китайский самолетонь звенась тийсьналет Шанхай и бомбардировандазе японский аэродромть Шанхайть акрестностьса. Аэродромсь крвзась.

Уху районца китайский войска тне мольфтихть успешнайста контр наступленият. Колма шинь пингонь бойда меле китайский частьтне зайнязь Ухуть восточнай ортанзон. Сюаньчэнт (Ухуть эзда южной ширеса) кружась китайский войска тне.

(ТАСС).

Испанский республикат сисемце годовщинац

Апрельть 14-це шистонза топодсь Испанский республикат сисемце годовщинац. Лама виднай иностраннай политический и общественнай деятельстонза (Шаньдун провинциять столица). Цзинаниса японечне йотафнихть массовой арестт. Арестовандафт ни нилесядода лама ломань, конатнень судьбаснон колга мезевок аф марьсеви.

Ромэн Роллан эсь сьормасонза сьормадь: «Испанский республикась эсь вярсонза сьормадсь инь славнай страницат Испаниять историяса и свободаса. Сон макссинеувядаюшай пример миронь сембе нароттненьди, конат тюрихть эсь независимостьснон инкса. Вечнай позор итало-германский фашистский палачненьди. Кода ба афольхть старанда адский угнетениянь сембе вийхне люпштамс Испаниять испанский модат лангса кочксеви аф кирдевомшка энергия, восстания и мщения. Сон срафтсыне и тапасыне варвархнень».

(ТАСС).

Добровольце пашкотькшнесазь испанский народнай армиять рядонзон

Париж, апрельть 13-це шистонза. Испанский рабочей всеобщай Союзонь Исполнительнай Комитетсь примась решения вишкотеми добровольцонь вербовкат республиканский армияв. Металлистонь профсоюзсь решил вятемс пропаганда заводса, штоба сембе металлостне кемсисемге кизоста сявомок 35 кизоти самс сьорматфтольхть добровольцокс и штоба металлостне Союзть сембе членонза максолезь добровольцнень пользас фкя шинь работамань питнеснон. Мелкай торговецне тяфта жа постановили мобилизовандамс кемонь шинь пингста вете тьожятть доб-

ровольцт. Мадридонь профсоюзнень объединениясна, конат сувсихть анархо-синдикалистский национальной трудонь конфедерацияв примась решения, што конфедерациянь сембе четтне кемсисемге кизоста сявомок и нилегемонь вете кизоти самс должетт модемс армияв добровольцокс.

Мадридский 12 тьожянь комсь кизода од стирнатне вешихть правительстват главанц Негринть ширде кучемс синь работамань государственнай завооттненьди сянь инкса, штоба освободинамс алятнень фронту.

(ТАСС).

Республиканский Испаниять мархта солидарностень демонстрацият

Париж, апрельть 14-це шистонза. Лама шинь пингста сембе Франциява йотасть лама демонстрацият, конат вешихть панжемс границатнень республиканский Ис-

паниять мархта. Йотафтф демонстрациятнень эса Лионца, Марсельса и лия ошнень эзга примаст участия кемотть тьожятть ломатть.

(ТАСС).

Ответ. редакторсь П. ЕЖОВ.

Упол. Главлита № Д-43. Заказ № 1542. Тираж 3884.

г. Саранск, тип. «Красный Октябрь».